



UNIVERSITÄTS-  
BIBLIOTHEK  
PADERBORN

## **Vitæ Pontificum Romanorum**

Ex Antiquis Monumentis Collectæ

**Sandini, Antonio**

**Bambergæ, 1753**

CC. Urbanus V. Anno Christi 1362. Caroli IV. 17. Joan. Palæologi 22.

---

[urn:nbn:de:hbz:466:1-65477](https://nbn-resolving.org/urn:nbn:de:hbz:466:1-65477)

## ANNOTATIONES.

(1) Ptolomæus Lucensis in Vita Innocentii apud Baluzium in Vitis Papatum Avinionensium tom. 1. pag. 357.

CC.

## URBANUS V.

ANNO CHRISTI 1362.

CAROLI IV. 17. JOAN. PALÆO.  
LOGI 22.

**E**Xequiis novemdialibus Innocentio VI. de more perfolutis, comitia Pontificalia haberi cœpta. Aliquamdiu certatum est diversitate sententiarum. Demum extra sacrum Cardinalium collegium Pontifex quaesitus, creatusque V. Kal. Novembr. *Gulielmus Grimoaldus*, Gallus, Abbas S. Victoris Massiliæ. Ex Italia, quomissus fuerat ab decessore suo ad res Ecclesiæ procurandas, reversus Avinionem consecratur V. Idus mensis ejusdem. Voluit se *Urbanum V.* appellari, quodd hujus nominis Pontifices sanctos haberet, eorumque imitatione cuperet simul vitam instituire, simul Ecclesiam administrare. Sollicitus de Græcis Romanæ Ecclesiæ

Rayn. an.  
1362. §6.7  
Spond.  
§. 7.8.



siæ conjungendis, Joannem Palæolo-  
 gum per litteras & Legatos conve-  
 nit, rogans, ut Catholicæ Ecclesiæ  
 se ipse sociaret, formulamque præ-  
 scripsit profitendæ Fidei, & Schisma-  
 tis ejurandi. Misit ad eundem cere-  
 as Agni cælestis effigies additis ver-  
 sibus, quibus materia ejus atque vir-  
 tutes exprimebantur. (1) Palæolo-  
 gus anno 1369. contulit se Romam,  
 quod etiam Urbanus venerat biennio  
 antè, ejuravitque schisma ex formu-  
 la, professus credere tria hæc in pri-  
 mis; Spiritum Sanctum à Patre, Fi-  
 lioque procedere; Eucharistiæ Sa-  
 cramentum ex pane azymo juxta ac  
 fermentato posse confici; & Roma-  
 num Pontificem obtinere supremum  
 in omnes totius Orbis Ecclesias Pri-  
 matum. Idem Pontifex anno 1368.  
 in die Nativitatis B. Joannis Baptistæ de  
 consilio Cardinalium ordinavit, quod in  
 Missa dictæ festivitatis & per Octavas e-  
 jusdem diceretur in antea Credo in unum  
 Deum, quod per prius non fiebat secun-  
 dum antiquas regulas. (2) Idem sodali-  
 tatem Jesuatorum à B. Joanne Co-  
 lumbino, & sodalitatem S. Salvato-  
 ris à S. Brigitta institutam confirma-  
 vit.

Rayn. an.  
 1365. §. 22  
 Spond.

§. 1.  
 Rayn. an.  
 1366. §. 6. 7  
 An. 1367.

§. 4.  
 An. 1369.

§. 1.  
 Spond.

§. 6.



vit. Vetuit, domum Cardinalium improbis esse perfugium. Instituit Cracoviensem Academiam in Polonia, & Bononiensem auxit multis juribus. Viros litteratos dilexit, & beneficiis, & honoribus affectit: juvenes mille studiorum causâ in diversis Academiis aluit impensis suis, librósque suppeditavit necessarios: egentibus quoque benignè subvenit ac liberaliter. (3) Solum in consanguineos beneficiorum temperans fuit. Duos enim tantum, & quidem Ecclesiæ ante Pontificatum suum ministros, evexit ad Ecclesiasticas dignitates: nullum ex Laicis in ampliorem gradum aut promovit ipse aut promoveri passus est: voluitque nepoti suo non Principem, aut primariæ nobilitatis fœminam, sed mercatoris Montispestulani filiam in matrimonium dari. Omnium primum tiaram gestâsse circumdatam coronâ triplici, scribit Nicolaus Alemannus. (4) Eundem instituisse *benedictionem Rosæ aureæ*, falsò tradunt alii. (5) An. 1370. VIII. Kal. Octobr. Avenionem repetivit, ubi anno eodem XIV. Kal. Januar. finem vitæ fecit, & miraculis postea claruit. Pontifex

Rayn. an.

1370 § 20

22. 23.

Spond.

§. 4. 5.



fex fuit annos octo, mensem, ac dies duos supra viginti, à Petrarcha lib. 7 Rer. senilium epist. 1. multis nominibus commendatus.

## ANNOTATIONES.

(1) Sirmondus in annotat. ad Ennodium Ticinensem Operum tom. 1. pag. 1043. edit. Venetæ: *Mos erat, ut ex cereo Paschali, qui Sabbato sancto conceptis precibus sacratus fuerat, particulæ decerperentur, ac populo die Dominicâ in Albis post sacram Communionem distribuerentur, unde suffitum in ædibus suis facerent, vel agros, vineasque munirent adversus Dæmonum prestigias, aut contra fulgura & tonitrua. Ceterum hic mos olim extra Urbem durat.* Romæ enim cerei Paschalis vice ceram oleo perfusam benedicebat Archidiaconus, inde particulas in agnorum effigiem expressas asservabat, populo similiter die, qua dictum est, dividendas. Quæ res nimirum originem dedit cereis Agni Cælestis imaginibus, quæ à Pontificibus ipsis augustiore postea ritu consecrari cæperunt. De his sunt aliqua etiam in Annalibus Baronii ad an. Chr. 58. §. 76.

Cardinalis Lambertinus de Serv. Dei Beati & Beat. Canon lib. 4. part. 1. cap. 5. num. 11. *In Cereorum Agnorum consecratione*  
ad



adhibetur aqua bēdicta, aquæ balsamum  
 miscetur, Chrisma superinfunditur, pre-  
 ces à Summo Pontifice recitantur, &  
 qui eos deferunt, si devotè deferant, à va-  
 riis periculis, & morbis liberantur, veluti  
 latè exposuit Summus Pontifex Sixtus V.  
 in suis Litteris Apostolicis in forma Brevis  
 scriptis anno 1586. Paschali Ciconiæ Ducis  
 Venetiarum, ad quem de more Sacras Cere-  
 as Formas à se bēdictas mittebat. Post  
 hæc Cardinalis Lambertinus subjicit verba  
 ipsa Litterarum Sixti V. qui ita concludit:  
*De hujus Sacri præstantia, atque virtuti-  
 bus exstat inter cætera luculentissimum te-  
 stimonium Urbani Papæ V. qui magni  
 muneris loco tres Agnos Dei ad Græcorum  
 Imperatorem cum his versibus misit:*

Balsamus & munda Cera cum Chrisma-  
 tis unda  
 Conficiunt Agnum, quod munus do tibi  
 magnum,  
 Fonte velut natum per mystica sancti-  
 ficatum  
 Fulgura defursum depellit, & omne  
 malignum,  
 Peccatum frangit, ceu Christi sanguis,  
 & angit,  
 Prægnans servatur, simul & partus libe-  
 ratur,  
 Munera fert dignis, virtutum destruit  
 ignis,  
 Portatus mundè, de fluctibus eripit  
 undæ. Idem



Idem Cardinalis Lambertinus Lib. cit. part. 2. cap. 20. num. 12. *Antiquus verò est horum Cereorum Agnorum usus: anno quippe 1544. Romæ effossus est tumulus Mariæ Augustæ Conjugis Honorii Imperatoris, & Filie Stilichonis, mortuæ ante medium Sæculum quintum, & præter cætera in tumulo inventus est Cereus Agnus Dei: ita ut insublistens omnino videatur opinio Panvini, qui de Baptismate Paschali pag. 148. Credit usum Agnorum consecrandorum à Romanis Pontificibus - - - non invaluisse ante Sæculum nonum, & magis verisimilis sit Cardinalis Augustini Valerii sententia, qui Agnorum benedictionem ad initium Sæculi quinti refert: aut altera Molani, qui Agni Cerei primordia ætati Constantini Magni tribuit, & ideo Sæculo Christi quarto. Vide plura apud eundem Cardinalem Lambertinum, Maillonium tom. 2. Musei Italici pag. 376. & annotat. 6. ad S. Zosimum.*

(2) Bosquetus in Vita Urbani V. tom. 3. part. 2. Scriptorum Rer. Italicarum pag. 611.

Hodie in Missa S. Joannis Baptistæ Symbolum non dicitur secundum antiquas regulas.

(3) Auctor coævus apud Oldoinum in Addit. ad Ciaconium tom. 2. pag. 559.

F ff

(4)



(4) De Lateranenſibus Parietinis cap. 13. pag. 48. tom. 8. part. 4. Theſauri Antiquit. & Hiftoriarum Italiæ. *Tiaram triplicis coronamenti ex Pontificibus primus geſtauit ante annos non amplius ducentos quinquaginta Urbanus V. duplicis verò Bonifacius VIII. Nam ſuperiorum Pontificum tiaras in vetuſtis imaginibus ac monumentis unius coronamenti & Romæ cernimus, & Sugerius deſcribit: Capiti ejus (Innocentii IV.) phrygium ornamentum imperiale inſtar galeæ circulo aureo concinnatum imponunt.*

(5) Vide annotat. 2. ad Innocentium IV.

CCI.

**GREGORIUS XI.**

ANNO CHRISTI 1370.

CAROLI IV. 25. JOANNIS PALÆOLOGI 30.

**G**REGORIUS XI. Lemovicenſis, Petrus Rogerii antea dictus, Clementis VI. Patruſ famâ notus, anno 1370. §. 1370. III. Kal. Januar. Pontifex conſtitutus eſt miro Cardinalium omnium conſenſu. Ipſe unus diſſentiens fuit, abnuîtque Pontificatum maximum: eum demum ideo ſe profeſſus acci-

Rayn. an.  
1370. §.  
25.  
Spond.  
§. 6.